



Nastavak akcije "Damask" u borbi protiv terorizma

SIPA uhapsila Latifa Talića

Pripadnici MUP-a Zeničko-dobojskog kantona u nastavku akcije "Damask" uhapsili su jučer u Zenici Latifa (Abdurahmana) Talića (43), pripadnika vehabijske zajednice u BiH, koji se sumnjiči za terorističke aktivnosti, potvrđeno nam je u Agenciji za istrage i zaštitu.

Talić je od 3. septembra, kada je izvedena akcija u kojoj su uhapšeni Husein Bilal Bosnić i još 14 pripadnika

vehabijskog pokreta, bio u bijegu, a za njim je SIPA raspisala potjernicu.

Talićeva kuća, u zaseoku Graja, trećeg septembra je pretresena, ali danima nakon akcije on se nije pojavljivao na kućnoj adresi. Ipak, policija je neprekidno motrila šire područje Gradišća te je on uhapšen jučer poslije podne.

Kako je rečeno iz SIPA-e, po nalogu Suda BiH,

Žalba zbog Bosnića

Tužilaštvo BiH uložilo je prekjučer žalbu na odluku Suda BiH da se ukine pritvor Bilalu Bosniću, potvrđeno nam je u ovoj pravosudnoj instituciji. Bosnić je uhapšen 3. septembra.

akciju su proveli zenički policajci koji su Talića odmah predali u nadležnost SIPA-e.

Iz izvora bliskih SIPA-i nezvanično nam je rečeno da je Talić duže vrijeme boravio na sirijskom ratištu i da je učestvovao u oružanim sukobima, boreći se na strani Islamske države (IS). U BiH se vratio prije nekoliko dana.

M.Aš. - A.Dž.